



UNIVERSITÄTS-
BIBLIOTHEK
PADERBORN

Universitätsbibliothek Paderborn

Historia Provinciæ Paraquariæ Societatis Jesv

Techo, Nicolas

Leodii, MDCLXXIII.

Cap. 21. Angelorum coloniæ depopulatio.

urn:nbn:de:hbz:466:1-38528

& fraudis crudelitatisque monumenta vidit, non secus ac leæna, amissis catulis, infremens ad Mamalucorum stationem citatissimo gradu pergit, perque sacra omnia postulat, ne se carissimis in Christo filiis privarent. Sed castra ingredi volentem dux latronum violenter prehendi, & ab designato satellite trucidari juber. Ad quas minas egregius Christi pugil, in haec verba protupit. *Lubenter, inquit, pro oribus meis animam meamponam, interim pacis Dominum rogo, ut intentatum scelus vobis condonet.* Latrones hac sermonis blanditate nihil mitigati, variis modis vexatum è castris ejiciunt, vestes dilacerant, probrofis verbis onerant: inter quas injurias Nicolaus Deo, ut existimatum est, plenus, Mamaluco supra ceteros ferocienti prædictis, in tanti sacrilegii pœnam patriam cum non revisurum. Vaticinio addita fides; sacrilego homine ab Barbaris in itinere scède trucidato.

Praefagium.

CAPUT
XXI.
Angelorum
colonizæ de-
populatio.

*Ignatii Mar-
tines mortis
contemptus.*

*Eiusdem ab
Mamalucis
aversio.*

CAPUT
XXII.
Divorum
Petri & Pau-
li oppidum
Mamaluci
distrinuit.

*Rançonierii
vigilans.*

Fortitudo.

*Vulnus por-
tentose sanati-
sum.*

ALTERA Mamalucorum cohors Angelorum coloniam invasit, quam tamè ex parte vacuam reperere: nam Ignatius Martines de prædonum adventu certior factus, plerosque incolas proximis sylvis abdi curaverat, quamquam non pauca capita, nequicquam reclamante optimo pastore, quem latronum dux, si relisteret, vinciri mandaverat, cessere. Et ausus est atrox Mamalucus gladium in ejus guttur vibrare, patricidium facturus, nî pater collo & pectore nudatis, pendente iustum invitans, sicarium fortitudinis admiratione repressifer. Abactam prædam latrones castris suis inclusere, quo se Ignatius Martines filios suos in Christo carissimos liberandi desiderio inflammatus cum contulisset, triduo violenter detentus est, ne gentis reliquis per nemora sparsis confilium aut auxilium adferret. Interim spicis tritici turcici humi temere repertis contentus, cibis ab prædonibus oblatis constanter abstinuit: testatus, omni quo posset modo, corum latrocinia detestatur. Latrones novennem puerum Patri concessere, ceteros abegere.

EODEM tempore altera Mamalucorum phalanx Niandubusuvii terras depopulabatur, quorum colonos, absente Rançonierio, sic decepisse ferunt. Gentis primoribus ad colloquium pellestis edixere, primùm non se hostili animo venisse, sed ut dispersos latè Barbaros, constructo maximo oppido, religionis Christianæ ergo, reducerent, si operam suam conferre vellent, amicè convicturos. Hoc dolo decepti hostibus se traditum turmatim venere. Sed in deditos Mamaluci ferociter involant, primores vinculis onerant, Niandubusuvium custodiae tradunt, hostiliter omnia agunt, mox ad alios dolos rursus dilapsi primoribus gentis significant, unam esse viam ab dura se servitute liberandi, si nempe populos sibi subditos suo loco tradant: quos ubi evocarant, non dimissis Casiquis, eadē perfidiâ & immanitate captivabant. Didaco Rançonierio, auditâ invasione, ad opem ferendam properanti, quingenti circiter Indi Niandubusuvianæ factionis occurrerunt, pro ipso Niandubusuvio & aliis Casiquis prædonibus tradendi: quo cognito mirum quantum bonus pastor excanduit, multis verbis dolos & ferociam latronum incusans, tantumque eloquentiaz vi potuit, ut omnes ad justam defensionem animaret. Sed antequam vires jungere possent, Mamaluci impataros aggressi, solitis artibus damnum plerisque intulere. Septuaginta tantum armati, qui se Rançonierio in Apostolorum deserto oppido adjunxerant, triginta Mamalucorum & septuaginta Tupicorum impetum, represâ utrorumque rabie, fortiter sustinuerunt. In hoc conflictu Catechumenorum uni, quinque acceptis vulneribus, cranium fractum est, adeò deformiter, ut cerebrum per plagas crumperet, & sequenti die veribus scatteret: hunc desperatâ salute corporis Rançonierius sacris undis abluit, & Diu Xaverio, cuius festum agebatur, Angeloque Custodi commendatum, ut alii succurreret, solum deseruit. Ad quem post octiduum revertens sanum & vegetum reperit, tantâ admiratione, ut asseruerit nihil se totâ vitâ vidisse mirabilius: nec ab quoquam dubitatum, patentissimo miraculo Divi Xaverii & Angeli Custodis ope fuisse sanatum.

CAPUT